

Kipimo Pekee Cha Kweli Cha Tabia,

Basi, mbona wakitazama kibanzi kilicho ndani ya jicho la ndugu yako?

Mathayo 7:3

“Kwa maana wewe uhukumuye unafanya yale yale,” hata sentensi hii haifikii ukubwa wa dhambi ya yule anayewaza kumkosoa au kumhukumu ndugu yake. Yesu alisema, “Basi, mbona wakitazana kibanzi kilicho ndani ya jicho la ndugu yako, na boriti iliyo ndani ya jicho lako mwenyewe huiangalii?”

Maneno Yake yanamwelezea mtu ambaye ni mwepesi kuona makosa ya wenzake. Anapofikiri kwamba ameona kosa katika tabia ya mtu anakuwa na shauku kubwa ya kulielezea; lakini Yesu anaweka wazi kuwa mwenendo huo wa tabia inayokuzwa katika kutenda hiki kisichofanana na kazi ya Kristo, ukilinganisha na kosa linalokosolewa, ni kama boriti inapolinganishwa na kibanzi. Ni mtu kupungukiwa na roho ya ustahimilivu na upendo ndiko kunakomsababisha kufanya chembe ndogo ionekane kama kitu kikubwa cha kutisha. Wale ambao hawajawahi kupitia uzoefu wa kupondeka moyo na kujisalimisha kikamilifu kwa Kristo katika maisha yao hawadhihirishi mvuto wa upole wa upendo wa Mwokozi. Wanawasilisha vibaya hali ya wema na upole ya injili na kujijeruhi roho za thamani, ambazo Kristo alizifia...

Kristo ndiye kipimo pekee cha kweli cha tabia, na yeye anayejiweka mwenyewe kama kipimo cha tabia kwa wengine anajiweka katika nafasi ya Kristo. Na, tangu Baba “ampe mwana hukumu yote” yeyote athubutuye kuhukumu matendo ya wengine yeye pia anamnyang’anya Mwana wa Mungu haki Yake ya pekee. Hawa wanaojifanya kuwa mahakimu na wakosoaji wanajiweka wenyewe katika upande wa mpinga kristo, “yule mpingamizi, ajiinuaye nafsi yake juu ya kila kiitwacho Mungu ama kuabudiwa; hata yeye mwenyewe kuketi katika hekalu la Mungu, akajionesha nafsi yake kana kwamba yeye ndiye Mungu,”

Dhambi inayosababisha matokeo yasiyo ya furaha kabisa ni roho ya ukosoaji, isiyosamehe, na isiyo na upendo inayoainisha ufarisayo. Pale uzoefu wa kidini usipokuwa na upendo, Yesu hayuko mahali hapo; mwangaza wa uwepo Wake haupo hapo... Kunaweza kuwa na uangalifu wa hali ya juu kabisa wa utambuzi katika kugundua makosa ya wengine; lakini kwa kila anayeendekeza roho hii, Yesu anasema “Mnafiki wewe, itoe kwanza ile boriti katika jicho lako mwenyewe” (Thoughts from the Mount of Blessing, 125, 126).

Ni hadi pale utakapojihisi kuwa unaweza kujitoa mhanga hadhi yako, na hata kuutoa uhai wako ili kumwokoa ndugu yako aliyekosa, unapaswa kutoa boriti katika jicho lako ili kwamba ujiandae kumsaidia ndugu yako. Ndipo utaweza kumsogelea na kugusa moyo wake... Roho ya kujali, upole na mwenendo wa kirafiki, unaweza kumwokoa mkosaji na kusetiri wingi wa dhambi. Ufunuo wa Kristo katika tabia yako utakuwa na nguvu ibadilishayo kwa wale wote utakaokutana au kuchangamana nao. Hebu Kristo afunuliwe kwa uwazi kila siku ndani yako, na kupitia kwako Atafunua nguvu ya neno Lake, yenye upole na inayoshawishi, lakini mvuto wenye nguvu kuu ajabu wa kumba upya roho nyingine katika uzuri wa Bwana Mungu wetu (Thoughts from the Mount of Blessing, 128, 129).